

四庫全書

子部

欽定四庫全書

子部
通雅卷四十六

詳校官中書臣朱文翰

員外郎臣牛稔文覆勘

總校官降調編修臣倉聖脉

校對官中書臣高 中

謄錄監生臣張曾秀

欽定四庫全書

通雅卷四十六

明方以智撰

動物

獸

麒麟通作麒麟殆天鹿乎 公羊傳曰有麋而角者孔
子曰孰為來哉京房曰狼額馬蹄五彩陸璣曰麋身牛
尾馬足黃色圓蹄一角角端有肉皆相傳說耳拂林僧
言天鹿即麟湧幢小品曰麟之青曰聳狐赤曰炎駒白
曰素冥黑曰角端黃曰麒麟雄鳴曰遊聖雌鳴曰歸昌

皆附會也演繁露言唐以麒麟名廐因改騏驎騏馬色也馬出冀州多良故作騏世用騏驎閣者多矣智按穀梁傳已作騏說文麒麟仁獸也麟大牝鹿也石經通作麟而經傳別無以麟為大牝鹿者爾雅有麇麇為縵文漢武帝獲麟實鹿之異者相如賦曰射麇脚麟此麟并州界有之大小如鹿羅願指此為麟皆本說文集韻齋齋訛郭璞曰麒麟似麟而無角元美譏陶九成是也霧霧曰特感龍生麟篆家分麇音其麓為鹿

象牙為白暗犀角為黑暗言斑犀者謂正透倒透腰鼓
插也 漢平帝時黃支貢犀有夜明犀或山海經之白
犀也開元遺事交趾貢辟寒犀如金六帖唐文宗有辟
暑犀嶺表錄異有辟塵犀杜揚編有蠲忿犀與所云分
水犀見形犀皆難得之寶澠水燕談曰犀生邕管交趾
者角紋如麻生大食者文如茱萸異者曰通天如宋之
蠻子牽獅帶乃犀玩物形于角者有正插倒插有腰鼓
插犀亦歲退角培土如象西域謂犀為竭伽角為毗沙

拏言一角也東璧曰凡三種山犀水犀有鼻額二角兕
犀止有一角在頂洪武中九真貢獨角犀牯角文大牯
角文細郭璞三角訛傳也智按所謂鼻角曰食角即鼻
骨也通天者純白而中有一線黑也水犀角中一線光
明是真駭雞犀也今之栗髮全黃者多矣豈有奇乎墨
客揮犀曰波斯以象牙為白暗犀角為黑暗故杜詩曰
黑暗通蠻貨陸務觀曰靖康括金羣臣金帶以犀易之
執政則正透從官則倒透建炎草創猶用此制唐會要

章服太和六年一品二品服犀玉及斑犀斑謂黑黃相間也演繁露曰黑質中或黃或白曰正透外暈皆黃而中涵黑曰倒透智以犀貴白而久則黃白透為正黑中透白為倒花中花曰重透暹羅為上髮紋粟而有高骨其紋細無高骨曰大角舶來毛角難辨故稱黑暗元史浩兩鈔摘腴曰今骨掘犀乃蛇角也蓋名蠱毒犀凡犀牴曰沙犀羅願以兕即牴亦臆蓋三種犀各有牴牴也爾雅所云兕似牛犀似豕者近是古人通言兕今人通

言犀耳呂覽隨兕注小牛也則牛亦稱兕矣犀亦从牛

湛若曰說文無獅有𧆇余謂兕

即獅象

皆象形皆聲

轉也象大者六牙柯古曰象管環王國一牡象管牝三

十國以代樵今雲南亦取之緬甸諸處其牙有交互髮

紋以血牙為上微帶紅色壺涿氏以棒貫象齒制水怪

陶貞白言夏月合藥須置象牙于傍合四竈以象牙夾

竈得雷聲能發光象膽隨時而孟竒言象房象死膽在

腹中或曰四時之首易地而後皆在腹

乳虎最猛小虎曰彪因虎文而名也豹因彪聲山海之

豹即豹

古文作又作象形今說文皆虎文也

彪古文虎

音斯

委虎虎有角者也虎變从虎非從巾凡俱

象尾耳彪即彪

从多音必幽切

因虎文而名小虎斐旻射彪是

也左傳於菟漢書作烏擇今作鷠鷠贅矣或曰狸兒轉

為李耳彭乘曰虎食一人耳成一缺汀州得一虎兩耳

如鋸豈此名乎李父伯都見方言淮南曰鳥雄鷩獸牝

猛故羆為熊之牝狼為羆之牝虎牝曰乳虎於菟者乳

頭之轉音也南詔謂虎為波羅蠻人呼虎為羅羅張耒
言存中聞闕中人曰此中有程遂以為莊子程生馬之
程不知秦聲謂蟲為程謂虎為大蟲也劉貢父亦言闕
中呼蟲為塵而舊說以程是豹說文豹勺聲狼貪豹廉
程度取食故從勺則更鑿矣豹亦虎所生當是彪聲轉
豹而立豹字从屮以諧屮包也爾雅虎有彪彪貓而豹
止有縹白豹即白毛而黑文者也黑多曰玄豹近蒼曰
赤豹其無文者曰土豹陶谷子妻曰南山玄豹霧雨七

日欲澤其衣毛即洞冥記所云青豹也即獾也詩名義
疏謂獾齒可假佛牙佛骨以鐵椎之鐵皆碎落武夷志
言魏王頭顱骨大如斗嘉定州凌雲寺有佛牙皆獾齒
也蘇頌曰唐畫獾為屏白樂天有詩贊之郭璞曰獾食
銅鐵糞可為兵王會屠州黑豹補注曰屠各山有白豹
黑文今出建寧郡毛黑白臆似熊而小舐鐵頓進數十
斤此殆成式所云伽毘葉獻之天鐵熊乎天鐵謂吮鐵
也彼指騶吾白虎黑文令升曰虎五指者皆是軀山海

經豹尾郭注豹之樂反智按即豹尾又玄陽山多犀兕
虎豹豺豺又豺亦作豺證知豹即豹

蔡苴機兩頭鹿也 屎主蛇毒蔡苴機兩頭麋也出永

昌郡博協志蔡余義獸似鹿兩頭其胎中屎四時取之

蔡余義即蔡苴機也范曄後漢書云雲陽縣有神鹿兩

頭能食毒草即蔡余義月令廣義引博物志云雲南郡

出茶首是兩頭鹿胎可治蛇虺毒以四月取之茶首音

蔡茂按即蔡苴機余與茶苴與首茂與義相沿而訛王

會曰區陽以鼈封前後有首盛弘之記荊州武陵郡陽山有獸如鹿前後有頭元瑞曰即山海經之并封在巫咸東又大荒山名鑿鑿鉅有獸左右有首曰屏蓬郭注曰即并封升菴元美皆載茶首皆不知蔡苴之訛李時珍曰當作苴機晉常璩南中志曰雲南郡蜀建興三年置有熊倉山神鹿一身兩頭食毒草段柯古曰邪希兩頭鹿也夷謂鹿為邪矢為希

熊羆麀一類也 黑者熊大而黃白者羆黃赤者麀爾

雅熊虎醜貌白狐璣曰似熊遼謂白羆爾雅翼曰有猪
熊馬熊人熊按馬熊即羆或作𧢲人熊即𧢲蜀有獸如
熊曰猛氏子虛賦鎡猛氏蓋𧢲也天問𧢲堆或作𧢲𧢲
其以為山海經之𧢲萑非也𧢲萑北號山白首鼠足之
鳥也祖冲之述異記曰東土呼熊為子路古以熊配虎
為旗又執畢者冠熊謂之旄頭乘輿之出則前旄頭而
後豹尾以熊出而不迷豹往而能返也關西呼𧢲羆羆
善撲臙

能即熊又為三足鼈之名 史正義絲之羽山化為黃
熊入羽淵熊乃來切下三點為三足也東哲發蒙記鼈
三足曰熊韻會曰熊即左傳黃能入寢之能不知張守
節何據有三點之說也按說文𪚩本獸名山海經從山
多三足鼈大苦山多三足龜陽羨君山池有三足鼈爾
雅鼈三足曰能音乃來切東哲牽附耳釋文曰獸非入
水物故是鼈一曰神獸入水東海人祭禹廟不用熊白
及鼈豈絲化為二物乎智謂祭禹者因所聞而然豈足

據耶張叔皮論曰賓爵下革田鼠上騰牛哀虎變鯨化
為熊久血為燐積灰生蠅則熊皆以能叶韵然左傳葬
敬嬴穀梁作傾熊古熊亦在庚韻如天官三能即三台
楚詞以能叶佩大約古人方音隨讀而借也因羽山言
羽淵總為地名如雞澤孟津之類何必以入水為疑邪
贊寧引山經韃或作鼈即能任昉述異記云江淮中有
獸名能音耐蛇精化也冬為雉春復為蛇

首耳騶吾 瑞應圖云首耳似虎絕大不食生物見虎

豹即殺之太平則至景純曰即騶虞也白虎黑文尾長
于身山海經林氏國騶吾日行千里注六韜云閼天之
徒得此獻紂乃釋文王大傳言散宜于陵氏取怪獸間
尾名曰虞注間大也淮南言散宜得騶吾難斯之乘吾
即虞曼倩識騶牙吾與牙通鼠璞考詩之騶虞為官名
此亦一說不妨自有騶虞獸也陳無功曰王會史林以
尊耳元美亦作尊耳今考王會作史林以酋耳無作尊
者王道俊曰騶虞又謂之素毳顏延年曲水序頽莖素

毳竝柯共穗之瑞注素毳白虎也白虎黑文曰騶虞漢書相如傳股股之獸史作般般言其文薛道衡曰麇也智謂指騶虞曲水序頽莖素毳則白疊草也升菴引山海經馭吾乃省筆之說

獒唐已黃腰 蜀志有黃腰鼬身狸首長則食母能食虎牛孫恂以為穀似豹而小腰以上黃函史曰獒食母猴獨食猿者也獒即穀也一曰鼬亦食母酉陽雜俎黃腰一名唐已按獒乃獒之訛

猩猩或作狴狴狴狴或作費費萬萬一曰顓臯陽臯羊
山都吐嘍上嘍 吳都賦猩猩啼而就擒萬萬笑而就
格山海經汜林狴狴荀子水經注皆同說文成王時州
虞獻嚮北人謂上嘍或謂狴狴周書作費費北人謂之
吐嘍海內經謂之顓俗名山都南康以此名水即今顓
州智按山海經載臯陽而別載上嘍或隨地異名也漢
書注作臯陽張衡作臯羊王文考夢賦批纍毅音費蓋
指狴今異名疏分山都與萬作二條豈未考邪梅氏曰

本作鬲亦舛

一角曰天祿二角曰辟邪 漢書西域傳烏弋有桃拔
孟康曰一名符拔似鹿長尾一角為天鹿兩角為辟邪
似虎正黃有髯形尾端茸毛大如斗章帝時月氏獻之
和帝時安息獻之存中曰至和中交趾獻麟如牛一角
而考之不合麟余以為天祿後漢中平鑄天祿蝦蟆注
云天祿獸名今鄧州南陽縣宗資碑旁兩獸鐫其膊一
曰天祿一曰辟邪元豐中余過鄧聞此石獸尚在使人

墨之其獸有角鬣鱗如手掌與交趾所獻相類升菴以
天祿為蝦蟆未見筆談邪沈約宋書天鹿即天祿拂菻
僧言天鹿一角端有肉即麟大者為白色角端有似鹿
似牛之別智按南齊書芮芮傳獻師子皮時有賈胡在
蜀曰此非師子皮乃扶拔也即符拔星槎勝略作武撥
朴握言樸朔也漢呼兔為沒鼻說梏云兔名朴握見
古文苑一作朴朔東坡詩寒牕煖足來朴握古樂府木
蘭篇雄兔腳樸朔鳴兔眼迷離大傳麋為辟雞兔為宛

脾皆聶而切之古云兔吐子望月而孕前輩曰不驗韋
絢云巴州兔作狸斑乾鑿度注沒鼻兔也郝氏曰沒鼻
沒與闕通豈以闕脣而遂曰闕鼻乎

狨猯也沐猴獼猴母猴也漢西域注沐猴即獼猴也

轉注略音沐為獼智按獼猴即母猴也母音轉為馬又

轉為彌方言呼母曰嚶此其證也獸以雌強今獼猴亦

謂大者猶凡物之大者曰馬藍馬薊之類猯

奴刀切即嚶

也一名狨音戎其毛茸而長金色異采世以為羈褊謂之

金線狨今香山隩有來貿者其毛柔長可藉制字從柔
以此

蟹鼠即跳兔 王會獨鹿卬卬距虛注謂卬負虛爾雅
注謂卬卬距虛負蟹呂說言卬卬距虛鼠後兔前故須
蟹食以甘草小顏曰今雁門有相負之兔曰蟹鼠沈括
使遼見跳兔前足寸許一躍蹶地此即蟹也緯畧曰狼
狨是二物狨前足絕短每行常駕兩狼失狼則不能動
張揖曰距虛似羸而小豈狨邪

狄雌果然一物也

狄羊就切楚辭常用援狄顧野王

曰黑猿也倉頡篇曰似狸顏師古曰似猴仰鼻長尾據
籀說即所謂猶也崔浩曰猶仰鼻長尾性多疑一曰似
麀居山中聞人聲豫登木無人乃下世謂不決曰猶豫
此也段柯古曰狐性好疑鼬性好豫以鼬通猶耳智考
此即雌誅柚
二音矣鄧潛谷曰狄也黃黑色羅願曰雌一名
果然人捕其一則羣啼相赴以其來之可必也大者為
禺小者為狄猶與雌爾雅兩載之或更有同名者與

獬豸一作獬廌獬廌觸
太玄作觸觸廣雅作角獬
神羊也何古曰開元二十一年富平縣產一角神羊肉
角當頂白毛議者以為獬豸

香髦文狸即類也 本草有靈貓自為牝牡其陰如麝
異物志亦云云段成式言香狸有四外腎大理香貓如
狸文如豹即楚辭文狸王逸注為神狸者也南山經皆
言宣爰之山有獸曰類自為牝牡莊列取之東璧合為
一物是也升菴言雲南蒙化府有此獸曰香髦今之野

猫即狸則此可知矣瑤星言兩類曰胃類曰奇類即羅
願所載者也智按胃即脾字十八宿真形圖心房二宿
皆具兩體天下何事不有而誕者附會腐儒不信俱可
一笑

蒙頌活耨地捕鼠者也 蒙頌又雌之小者紫黑色能
捕鼠或作蒙賁蒙賁廣志曰獾獾有黑白黃者暹羅最
良捕鼠百捷于家貓貓一名街蟬見拾遺記韻府猫一
名烏員唐書波斯伊嗣侯遣使獻活耨地形類鼠青色

長八九寸能入鼠穴取鼠物類志曰耨地溫公之義貓
曰鼯或溫公名之也

社君鼠也白者曰仲能黃者曰沙鼠曰貌狸抱朴子
鼠百歲則色白曰仲能善憑人而卜雲仙雜志山中謂
社君嗣宗曰又有栗鼠其毫可製筆沙鼠今之黃鼠也
陳無功引詩語刀約使契丹詩密賜一貌狸如鼠而大
北敵以為珍又曰令邦東壁謂即黃鼠甚確陳水南亦
以為黃鼠而澠水言肥腩今訛為豚故人以為疑耳岑

南獠人食蜜唧即嫩鼠也東坡詩曰朝盤見蜜唧夜枕

聞鳩鷄方言宛野謂鼠為鼯音宛南陽也音死

鼯為飛生鼯鼠為拱鼠非一物也說文誤以為鼯

鼠五技而窮故張揖廣雅崔豹古今注遂曰螻蛄一名

碩鼠邢昺亦謂蔡邕合之而後人遂以鼯鼯為一物智

按爾雅鼯鼠為鼠屬於鳥篇又曰鼯鼠夷由則非一物

明矣陸璣于相鼠疏曰河東大鼠能人立交前兩足于

頸或曰即雀鼠或曰鼯狸即今黃鼠稱珍味者時珍又

分碩鼠為鼯鼠蜀人所呼鼯肉翅蝙蝠翅尾頂脅毛紫
赤色背上蒼艾色腹下黃喙頰雜白腳短長尾三尺許
飛且乳亦曰飛生鼠聲如人呼食火烟此其蝙蝠之大
者乎飛生鼠一名鼯所謂能飛不能過屋能緣不能窮
木能游不能渡谷能穴不能掩身能走不能先人五技
而窮者一曰夷由謂其能以高赴下不能從下上高故
夷由也今人以徘徊未決為夷猶馮嗣宗亦誤以五技
鼠為鼯

鼪鼯鼠郎也 太平御覽有鼠郎邢昺以鼪為鼠郎凡
夫曰夏小正有鼪鼯即鼠郎也今曰狼猫江北曰黃鼠
狼按玉篇鼪鼠頭似兔尾有毛黃黑色此狀即狼猫也
朱子注鼪鼠但以大訓之蜀圖經所云虎鼠即鼪鼠則
刺猬也猬一作彙一名蝟鼠談藪言虎居草者畏木上
有趨鼠也趨鼪一聲鼪省為鼪音豹道昭音灼非此爾
雅之豹文鼪也

婁比肩之類 異物志南方有飛頭蠻夜以耳為翼飛

去食物將曉而還搜神記吳將軍朱桓一婢頭能夜飛
韓詩外傳婁更食而更視不相得不能飽其爾雅之比
肩民乎山海經云三首國一身三首在崑崙東周致中
異物志載三身國在鑿齒國東一臂國在西海之北半
體比肩又有一目國在北海外天中記引外國圖言男
女同頸異頭共身四足曰蒙雙民乾坤怪未了也太西
言無海錄事曰嶺南有一足反踵者雄曰山丈雌曰
山姑夜扣人門此自一獸

又有似人者曰前兒曰在子 前兒似猴聲似小兒在
子鼃身人首灸之以藿則鳴曰在子鬱林博白山中有
似鼃而首有毛能殺人或即此物乎聞之甯孝廉之客
白奧即白澤獸 見石鼓詩用修受學于李文正公者
言奧為澤軒轅記帝登桓山于海濱得白澤神獸能言
因問天下鬼神之事令寫為圖作祝邪之文以祝之元
世祖遇角觝楚材云是白澤能言者人語而彼應之似
解言者因以為識軒轅記溢言耳集韻澤或作奧乃奧

字之謠郭璞云角觶似豬角在鼻上李陵以角端弓十
遺蘇武唐詩海照角端弓是也

獬即獬或曰獬狔

獬音駢獬類也又作獬淮南子曰畜

池魚者必去獬獬莊子曰獬獬狔以為雌言非類為牝
牡也獬獬獬之謠也獬獬一物鄧潛谷曰一種曰獬
獬大頭如馬身如蝙蝠升菴言獬狔以獬為雌即獬獬
也范成大虞衡志有山獬一名插翹性淫聞牝不得則
刺木石而入

紅瑪瑙茸鹿茸之上者也鹿陽麋陰分男女用之泥矣
獸骨之速長而堅無如鹿麋不過兩月重二十斤如茹
子茸長數寸有力破之肌如朽木茸端如馬瑙紅玉者
佳存中曰北方有麋麋麋麋極大而色蒼麋黃而無
斑茸俱可用時珍從東坡鹿補陽麋補陰之說王勉夫
楸以麋茸補陽利男子鹿茸補陰利婦人蓋月令仲夏
鹿角解仲冬麋角解鹿肉煖麋肉寒以陽為體者以陰
為末末者角也元美弱侯主此說智按所謂補陽補陰

非必分男女也男子自有陰陽大約麋鹿皆補血麋角取其滋陽耳熱則俱熱用鹿角者同類相益也相體稟用之有飲鹿血鼻出血者

髡屯牝牝醜牛狀也水牛亦名州留淮南子髡屯牝牝音坤豚科牝言其狀醜也州留老牛名古人駕牛皆有名號如王濟賭八百里駿荀晞千里牛西豐駱樂山鳥之類州竅也爾雅馬白州驪州留者色如騮也鬱林異物志州留水牛而角若擔茅與虎為仇柯古言句漏

潛牛即州留也廣志言州留項上肉大如斗金樓子西
符有牛曰白及伯樂相馬亦言白州升菴言山海經命
山之熊其川在尾上郭注川竅也然則州當是川字
攔求子牛也廣雅作攔求子牛集韻作攔一曰騰穰
也月令累牛騰馬累與攔通今注乃云累係之牛騰躍
之馬使遊牝于牧則未見攔字也

犛特特牯 本草喜犛牛肉急就章犛特特牯犛三歲
牛也一曰長脊牛犛音蘇含反牯音貝牯音界特舜典

用特一牛也說文牯特牛也世說云千斤牯特牯劇牛
也以刀去牛勢亦作犍莊子曰任公子五十牯以為餌
郭音卦徐音界說文云駮牛也牝音貝字應從牝相牛
經曰璧堂欲闔蘭株欲大陽鹽欲得廣陽鹽夾尾前兩
臚上也璧堂腳股間也羅願列名甚多如雜毛曰犛犛
之類小者每牛呂覽隨兕也

毛犀即羴牛 爾雅言羴牛山海經之牝牛也西人呼
為竹牛羴或作羴音厘升菴曰毛犀即豕也古人謂之貓

豬交廣謂之豬神或曰旄牛小而犛牛大一種也尾毛可為飾顏師古曰旄牛即犛音偏葉盛水東日記云毛牛與封牛合則生犛牛

犛封駝也 大月氏有封駝背上有肉峯呼為犛牛相如傳言犛牝犛即犛牛也駱駝本有肉鞍或其類更有高者爾雅謂之爆牛穆天子傳謂之物牛南史滑國有兩腳駝蓋有怪駝時而人立耳

八駿之名各異驊或作韻韻韻義或作儀檠蟻儀儀

驥或作鼃鼃鼃 玉海引穆天子傳癸酉命駕八駿之
乘右服鼃騶而左騶耳右驂赤鼃而左白儀造父為御
靑靑為右次車之乘右服渠黃而左踰輪右驂盜驪而
左山子參伯為御奔戎為右筆叢引驂作鼃驥作鼃白
義作白儀列子曰右服鼃騶而左綠耳右驂赤驥而左
白灤造父為御靑靑為右次車右渠黃而左踰輪左驂
盜驪而右山子柏夭主車參百為右博物志載八駿為
赤驥飛黃白蟻驂騶騶耳騶踰渠黃盜驪王子年八駿

曰絕地翻羽奔霄超影踰輝飛光騰霧挾翼趙與皆引
八駿與博物志同惟騶踰作踰輪何其參差也灤古義
字升菴曰古犧字啍啍王伯厚音泰丙當是泰丙誕生
生音齊合屠赤水作齋啍范攄雲溪友議載乃方齋啍
無功曰列子本傳赤驥作龍灤作儀嗣今字彙作嗣本
升菴也蓋即古驥字韵會引列子作嗣應是訛耳山子
一作岵子升菴云今之叱撥玉抱肚也張睿甫曰嗣字
下似缺騶字升菴遂以服嗣為驥騶誤字劉氏音義曰

盜驪竊驪也一作溫驪荀子作纖離竊淺青色驪純黑色爾雅疏謂竊即古淺字竊脂竊玄竊黃之類皆指色也纖亦借淺音竊脂別有說

今之戴星馬即古所云白顛的顛卓上也 覲禮曰奉

束帛匹馬卓上九馬隨之一曰的盧蜀志昭烈乘的盧渡檀溪相馬經白額入口者榆雁曰的盧準上有旋毛曰的吻皆不宜乘潛谷以莊子月題即的盧智按莊子齊之以月題而後知介倪闔阮似是轡當面之飾潛谷

誤矣清波雜志曰碧雲馱廐馬旋毛也碧如霞如雲然貴而不掩旋毛之醜魏泰駕言梅聖俞借此名書

馬名各異 追風白兔 影追電飛 翮銅爵晨鳧 始皇

七馬也 浮雲赤電 絕羣逸驃 紫燕騶綠 螭駘龍子 麟駒

絕塵漢文九馬也

見西京雜記

鬻膝乘旦

見王褒頌

綠虵

見顏延之赭白

馬牝靡

趙津女媚對簡子曰右驂北靡

馭龍紫鹿文的躡魚

見陳琳武庫賦

啓服

左傳衛侯夾轅馬

肅爽

唐成公如楚有兩肅爽

蒲梢

漢武大宛天馬

決波駒

酉陽雜俎骨利幹國馬

皎雲駘飛霞標翔麟紫奔虵

唐太宗駿也

拳毛

馱什代赤白蹄烏特特勦驃颯路紫青騅

殷仲容贊太宗七馬

花驄照夜白

杜甫詩

九花虬翠雲虬

唐代宗後以九花虬賜郭子儀

黃芝

李白馬名見採蘭雜記

叱撥

天寶中大宛進二匹

一丈烏

梁太祖愛馬賜溫彥卿

玉逍

遙

宋仁宗御馬名見邵氏聞見錄

荏鐵

馬經驄之別名

鐵獺

梅聖俞馬名

飛越峯

史

洪武四年貴州夷翠靄進水西之乘

瑞頴

正統四年撒馬兒罕進名馬賜名

玉麟飛白玉

馴碧玉橋照夜璧銀河練瑤池駿飛雲白

嘉靖十二年召張孚敬等

演馬因紀其名 名在人取不可勝紀

龍吟閭渠狀馬子也 晉惠時謠城東馬子莫龍吟比

至來年纏汝髮永元童謠野豬雖鳴馬子空間渠
馬懷孕曰重馬 劉屈氂傳重馬傷耗師古曰重謂馬
懷孕者也

駁茲白 王會曰義渠以茲白白馬鋸牙食虎豹即山
海經之駁齊桓乘駿馬管仲言及是已

飛黃訾黃翠黃乘黃吉量古皇吉光吉黃一物 白民
乘黃犬戎吉皇似騏有兩角漢郊祀歌有訾黃注一名
乘黃黃帝乘之而仙封禪書翠黃孟康曰翠黃乘黃也

又名紫黃淮南子曰飛黃服皂注乘飛黃壽三千歲古
量者山海經犬戎文馬目若黃金曰吉量乘之壽千歲
注六韜以此為雞斯之乘大傳作吉光一作古皇

驂馱驢之子也似驢之奇獸曰閭曰福祿曰颶 伯厚

曰馱

唐佐反

能馱負也古今注曰驢牝馬牡則生羸霍去

病傳單于乘六羸漢書西域傳龜茲王學漢儀制湖人
曰驢非驢馬非馬龜茲王所謂羸也南史言王子敬書
如騎驛駸駸欲度驛驄明皇乘騾入蜀見坡詩注馱本

作佗趙充國傳一馬自佗子元引釋常談稱驢為衛子
崔豹曰驢牡馬牝則生騊韓道昭收騊驂騾屬騊即騊
東璧曰牡馬交驢生騊騊牡驢交牛生騊音叱陌牡
牛交驢生騊蒙牡牛交馬生騊驢牡驢交馬生騊漢昏
禮有受福祿獸具體心慈其形未間一統志忽魯謨斯
國產福祿似驢而花文可愛儀禮鄉射于郊則問中注
獸如驢一角又曰皮樹似驢王會北唐以問問似踰冠
山海經縣雍之山其獸多問注問即踰也似驢而歧蹄

角如羊爾雅麕秦人謂之小驢注曰似鼠而馬蹄一歲千斤

蘭子豚也豕豚也

何承天纂文云梁州曰獬

音攝

齊徐

以小豬為獬

音鋤

東璧曰青兗徐淮者耳大燕冀者皮厚

梁雍者足短遼東者頭白嶺南者花白多生江南者耳

小曰江猪孟詵曰白豬花豬黃臚者不可食湧幢小品

曰豕張腹而臧畢露者也升菴謂為貓豬說文帚音異

修毫獸丁度作彘曰河內豕也崔豹古今注謂豕為參

軍雲仙襍志曰黑面郎列子曰牢有欄子張湛注曰凡物不知生之主謂之蘭以肉言則豚為全體又為分體智按古邈作豕豕即豚也詳見疑始合溪以豕即亥升菴以豕音希豕豨羸歸一聲豕豚一聲見襍說中

麇羊九尾羊也說文麇山羊也山海經作羝角以細

感節挂痕為真真白言一角而藏器非之山羊山驢
 羊相似寰宇志實載有一角者為真羚羊二角不感節
 者皆山羊所謂羴羊音桓之類說文曰細角者山驢

則王會儀禮之所謂閭也廣西多山羊血治跌傷能起
死回生

羊名羶根殺羶黑夏羊也 仇池筆記曰王中令賦蒸

豚詩若把羶根來比竝羶根自合喫藤條羶根羊也亦

名卷婁見莊子陳無功取之智按莊故寓言然詳上文

卷婁非羊名蓋盛羊肉之器猶聚樓也若舊解拘孿則

俚語耳爾雅夏羊牡羶

音余牝殺

音古注牡羶黑羶也今以

牂殺為白黑羊名疏云白牝牂黑牝殺焦光歌本為殺

牂羊更殺殺羶言無白黑今東壁以殺為牡豈爾雅誤乎古今異稱乎葉盛水東日記莊浪衛近雪山有饗羊土人歲取其脂不久復滿郭義恭廣志云西域驢羊今洮羊重百斤是也此羊羊皮蹄可以割黍又有地生羊姚桐壽樂郊私語言楚石禪師詩自言羊可種不信繭成絲嘗以為疑後見吳立夫有西域種羊皮書褥歌劉有出使西域記言以羊臍種聞雷生臍驚以木聲臍乃斷至秋可食臍內復有種名瓏種羊段公路北戶錄言

大秦國地生羊臍與地連走馬擊鼓以驚絕之吳策淵
穎集言以脰骨種可信物理猶今以火灰伏鴨卵飯合
稗暴日掩土而種蟲飼雞也大尾羊即靈羊細毛薄皮
西藩以為紙杭州以作燈

達名羖子 刊繆正俗曰呂忱字林羖未辟羊也今言
小羊為旋子者訛當言羖子也達亦小羊詩先生如達
狗一名重工一名嚮 重工見穆天子傳說苑客謂孟
嘗君曰周氏之嚮天下之疾狗也石藥爾雅白狗膽一

名瓠汁耳上血曰白龍染蓋以槃瓠為狗名故稱瓠汁耳殷虞晉蔡楚黃韓盧宋狔狼狐狂獫狁犬屬見廣雅呂覽曰楚文王殺茹黃之狗凡夫但引渚宮故事之茹黃而不知其早載呂覽也卞彬禽獸決錄載狗名黑龍即搜神後記張然之犬郎瑛所云烏龐也又張平狗名飛燕若驢南史張彪犬名倉黃猶士衡之黃耳華隆之的尾以色為名不足異也劉貢父以黃耳為僕名干寶言懷瑤張懋聞地下之犬即尸子所云地狼夏鼎志所

云賈也又云猯國獸竊女生子送還家皆姓楊水經注
孤獨母有犬曰鵠倉即徐偃王則與盤瓠同駭矣以劉
宋元嘉孟慧度婢蠻之事及明帝時交三日不離者則
盤瓠與高昌之牝狼何怪焉

寶犬即贇又有狡犬有鼪犬異獸似犬者生生禍斗兩
貴 通典大秦國有寶出西海有養者似狗智按爾雅
贇注西海大秦犬有養者則寶即贇之訛也音鉉杜八
哀詩贈蘇源明不惡懸黃金胡為投乳贇注音犬出大

秦國今從舶來西洋犬多皆曰獒有極獠者贅類也王
會北漢獒犬渠叟鼪犬都郭生生欺羽生生如黃狗鼪
犬即山海經馬成山之露犬如白犬而黑頭者能逐虎
王融曲水序用紈牛露犬是也太平廣記禍斗如犬食
火糞亦為火能燒人屋白澤圖臺屋之精曰兩貴狀如
赤犬見而以其名呼之使人目明

兀兒鼠本周兒雀即同穴之鳥鼠也 甘肅志涼州地
有兀兒鼠者似鼠尾若贅疣有鳥曰本周兒者似雀色

灰白常與兀兒鼠同穴而處郭璞注爾雅鼯如人家鼠而短尾餘似鷄而小黃黑色突入地三四尺鼠內鳥外在隴西首陽縣孔傳云共為雌雄張氏地理記云不為牝牡漁仲曰首陽在今熙州渭源貴與曰在渭州曰青雀山今渭源縣屬臨洮府有鳥鼠山

物之白者時有其種不必異也 顧遜園曰癸丑見京口徐氏白兔雪毛赤眼云得之天台洞中有猿鸚鵡穿山甲蜈蚣皆白石埭金都閭家有白猿似習禪定者余

家淮水飲虹橋河房有白鼠白物不必長年不必瑞自
有此種顧公知之何又信天台洞之五白物邪崇禎初
白兔自外舶來直百金後漸多甚賤姚有僕南海署中
畜白兔每月生子亦非吐出時為黃狸攫去墨客揮犀
言雀出殼時以蜜和飯飼之即白後漢方儲以孝致白
兔金哀宗時邠州進白兔何古以為瑞而今日忽多邪
牝畜為草 何燕泉曰俗以牝畜為草如草狗之類其
言有自晉郭欽謂魏杜畿課民畜犝牛草馬宋綵曰李

君有國土之分家有駟草馬生白額駒此其時也

鳥獸之身多名各以意稱之或方言也 鳥觜曰喙曰


喙爪曰距尾曰翠一作驛一名尾罌內則舒雁翠脰脰
曰與禮不食鵠與隴為亢為員官耜為嗉翅為翮翎春
秋傳害鳥帑注鳥尾曰帑疑是鳥雛鳥腳短者多伏腳
長者多立腳近翠者好步腳近臆者好躑翼右掩左者
雄左掩右者雌又糞共者雄圓者雌山禽喙短而銳水
禽喙短而圓山禽尾多修水禽尾多促陸鳥曰栖水鳥

曰宿獨鳥曰止衆鳥曰集朝鳴曰嘲夜鳴曰啞鷄白蠹
肥脂雌鷄之生腸也雄鷄矢乃有白按神農本經作白
臺謂鷄子白之凝者一名父公臺藏器以為橐時珍以
為蠹鴨有肫衣雁頸曰殊禮樂志赤雁集六分員殊翁
襍五采文孟康曰殊雁頸也此解未必當或當時有此
語蝙蝠矢曰夜明砂神農本經曰鼠法鷄子兩翅各有
複翎左名撩風右名掠草凡走獸及牛馬諸畜肝膽之
間有肉囊累累多至升許大者如鷄子曰鮓荅陶九成

輟耕錄言之京房易占曰兵強主武則牛腹生石生于
癩犬腹中則為狗寶熊太古冀越集曰馬有墨在腎牛
有黃在膽狗有寶鹿有玉鵲亦有玉丑寶牛黃也牛項
乘曰胡蹄肉曰衛百葉曰脛又曰析見周禮角胎曰腮
玉篇曰牛拳音卷曰撈腹草未化曰聖蠶矢曰洞說文脰
牛百葉也服虔曰有角曰脰無角曰肚一曰胄之厚肉
俗曰肚脰音弦凡畜之外腎曰石子豕兩腎間似脂非
脂曰脰音夷豕卵曰顛畜之草積曰脰馬矢曰通猪矢曰

零呂覽曰肉之美者旄象之約蓋約通小便處也述蕩
之擊高誘曰擊蹈也當是桀唐本草有底野迦西郵以
猪膽作之為丸赤黑色熊膽曰白掌曰蹠虎有乙骨目
光入土如白石曰虎魄狼脂曰膈蟲之鮫曰蜚言垂腴
狀之也凡類曰醜鼈竅亦曰醜海狗之腎曰膃肭臍今
南方有鹿鞭鹿外腎也凡魚腦骨曰骹音枕曰丁尾曰
魴音抹曰鮓曰乙骨曰鯁曰刺脬曰鰓白又曰細飄見
成式翅曰鰭曰鬣子曰鮓曰鰭臞仙肘後經曰駟馬官

牛羯羊閹猪鑊鷄善狗淨貓



通雅卷四十六

欽定四庫全書

子部
通雅卷四十七

詳校官中書_臣朱文翰

員外郎_臣牛稔文覆勘

總校官降調編修_臣倉聖脉

校對官中書_臣高 中

謄錄監生_臣張曾秀

欽定四庫全書

通雅卷四十七

明 方以智 撰

動物 蟲

紅娘子樗鷄也青娘子蛭青也

爾雅翰 从翰省

天鷄注

黑身赤頭曰樗鷄又引莎鷄則在莎草中者此蟲在臭

椿上翅內盡紅蛭青居光花上者色純青綠本作元青

葛上亭長亦赤頭黑身因其在葛故曰亭長三蟲實一

類也地膽為蛭青所化居地中太平御覽引爾雅地膽

地要青蠅也今爾雅無此文陸璣所云似蝗而斑幽州謂之蒲錯乃莎鷄也此皆爾雅注並引而誤

蜻蜓或作青蛉又作虻蛭或曰負勞曰諸乘曰胡黎曰紗羊曰蠃恙曰螻蛄曰江鷄曰青卒曰絳縵曰青衣使者曰赤弁丈人曰紺蟻曰白宿曰螂蛉一物也 爾雅

曰負勞陶氏曰諸乘崔豹曰小黃曰胡黎鄱陽曰江鷄餘則以色稱之耳淮南子蝦蟆為鶉水蠶為蠃恙青蛉也一名白宿造化權輿云水蠶為蠃本草作蠃則蠃為

訛螻螬即螻螬之訛異名疏叙青蜓引方言雌蜻謂之
疋音祖是重誤矣方言此條言蜩蟬也胥本音胥其詩
類考蟋蟀一名蜻蜒亦前人之誤也方言蜻蜒謂之螂
蛉注六足四翼江東名狐黎淮南曰螻蚱正蜻蜒也道
家曰眼可化為青珠能止精

撻末蛺蝶也 一稱胡蝶木蠹菜蠹皆化之陸德明曰
蝶一名胥因莊子蝴蝶胥也崔豹曰撻末蝶也江東所
呼色白背青者是也列子謂烏足之葉化蝶或言百合

花化蝶北戶錄言樹葉化蝶如丹青野史謂綵裙化蝶
丹鉛錄南海蝶大如滿帆稱肉八十斤海南有鬼蝴蝶
在紅蕉上者曰紅蝙蝠嶺南有樹蝶樹蜂樹蟻皆連于
樹上

丹良螢也 古單作螢爾雅螢火即照或作蚺月令夏
季腐草為螢呂覽作化為螢蚺淮南子作腐草化為蚺
注蚺為馬蛭出冀名曰秦渠則失矣合溪曰親見螢產
草中不信腐草為螢不知實陽氣蒸腐草濕熱所化也

或先氣化而後相生有之毛萇曰熠燿燐也燐螢火也
諸家據說文燐為鬼火非之毛指其光耳今人即以熠
燿宵行作螢之二名亦非月令注引夏小正注丹鳥丹
良也皇氏以為螢火王符曰蓬中拾自照謂螢火也陸
佃曰蚡音溪非宵行也如蠶尾後戴火可見螢有二種
一飛一行潛谷言西北螢火大如棗

莊子之蠱蠹博雅之蠹蠹皆因意立名也蟲毒曰蠶故
有惡蠶萬即范蜂也赤翅蜂窠土或木食蜘蛛巴中

蛭蜂在褰鼻蛇穴內最毒元稹有詩此虺虺也莊子曰
虺虺之尾注長尾曰虺短尾曰虺虺音賴後人以其溷
虺改作蜥故博雅曰蝨蝨蠍也蠍尾長當別名蝨耳蠍
一名主簿蟲說文蠍粗外切乃蝨蝨之名音轉為蜥俗
作蜥按蠍無他用虺重文耳墨客揮犀曰有蟲如扁蟬
隱屋壁及書冊前如蟹螯鄭房為所螫遇良醫曰此名
惡蠍不治殺人智在皮朗被左苗中常有引螫扁蟲入
人書簾螫人土人謂之渴沙

螺贏蠚螭蒲盧皆螫蜂也

陶貞白謂螺贏自生子如

粟粒捕取螟蛉以飼其子韓保昇冠宗奭皆云然列子
純雉無雌名曰穉蜂莊子細腰者化亦道聽也詩人據
所見聖人取其教子似續之大意耳注詩者泥解彭乘
曰陶說不妄泥巢屋壁者曰螺贏穴地巢者曰蠚螭窠
于書卷或筆管者曰蒲盧即捕桑螵及小蜘蛛蠚螭捕
蠚螭與蟋蟀捕得皆螫殺置穴中生子其上以泥隔之
旬日子大成蜂能飛而蟲盡矣王少夫曰余驗其螫殺

而後呼活之王浚川曰必附蟲而子乃生借氣也說文引詩螺贏易林曰蝸螺生子深目黑醜三卦同爻一作蝸螺知即果贏

綠金蟬即吉丁蟲也 吉丁蟲背正綠有翅在甲下出
嶺南人取帶之令人相媚漁仲云爾雅蚘蟻蛭也甲蟲
綠色似金者也北戶錄云金龜子甲蟲也背如金貼成
竺法真羅浮疏云金花蟲文如金宋初益部記利州金
蟲皆謂其綠甲有泥金之光彩非謂如金黃色今為簪

釵飾曰綠金蟬

顛當土蜘蛛蓋蜨蜴之轉語也 爾雅王蜨蜴郭注螻
蟻也跌蜴音迭湯聲轉為顛當鬼谷謂之蜨母金樓子
謂之鈞橐駝陳無功本引爾雅王蜨蟻誤此即土中結
網之蜘蛛也段成式曰顛當穴土為蓋大如榆莢秦中
兒謠曰顛當顛當牢守門螻蛄寇汝無處奔

月令仲春祭馬祖季春享先蠶禁原蠶為傷馬也蠶神
曰宛窳 蠶與馬同神蠶為龍精其首類馬星屬天駟

月直大火則浴其種故周禮禁原蠶吳都賦八蠶之綿
李善注引劉欣期交州記一歲八繭出日南吳錄曰南
鄉郡一歲蠶八績高似孫引海物異名記曰八蠶共為
一大繭東壁曰南粵有四眠兩生八出者其溺曰沙皮
曰蛻甕曰繭蛹曰蠅音圭蠅曰羅卵曰蛻音允初出曰炒音苗
自殭色白弘景云鹽度非也荀卿蠶賦曰此夫身女好
而頭馬首者與汜勝之言蠶法陸龜蒙作蠶賦說郭載
淮南王蠶經偽書也升菴曰馬頭神蠶神也後漢志曰

宛窳山海經載女子歐繇其蠶神乎今術家末僵蠶傳
馬口即不能齧草何子元曰後世遂有蠶女兒馬明菩
薩馬頭娘之說見于中華古今注及搜神記乘異集何
其妄也

天螻土狗與螻蝻蛄鼠蟪蛄并載者誤也 土蟻亦謂

螻而螻蛄乃土狗也好攻土夜飛傳火以其好攻土故屬

之于螻爾雅穀音斛天螻蛄螻蛄注曰螻蛄類也方言蛄

詣謂之杜蛄音格螻蛄謂之螻蛄或謂蛄蛄南楚謂之杜

螂所化冬附樹根朽處蓋蟬朽木所化也剖腹中有朽
木一名齊女崔豹言齊王后所化異矣古今稱此類殊
混故別之以爾雅言則蜩為總名螭蜩蟬之大者顙廣
而方故詩稱螭首也小正曰鳴蜚虎縣蜚即螭也東壁
謂螭小非矣夏鳴大而黑者蚱蜢也又曰蝻鄭玄音綿曰馬
蜩幽詩五月鳴蜩是也東壁曰頭有花冠曰蜩蟬曰蜚
曰蜩蟬蕩詩如蜩如蟬是也戴氏曰詩兩稱之蜩蟬明
是二物而其聲雜也具五色者曰蜚蜩夏小正曰匿之

興五日翕望乃伏注匭唐蛸也東壁改作娘耳小而文

曰麥蜚小而青綠曰茅蛸曰茅蠶秋月鳴而青紫曰蟋

蟀曰蛸蟀曰蟋蟀

音挺木

曰蟋蟀曰蟋蟀音舌沒小而青

赤曰寒蟬曰寒蜚曰蛸未得蛸風則瘖不能鳴曰瘖蟬

二三月鳴而小于寒蜚曰蟬母陶隱居以蟋蟀為寒蟬

甚確司馬彪曰即蟋蟀崔謨曰即蛸蟀也陶謂蟋蟀為

二物則惑于蟋蟀耳蟬

市連切

別作蟋蟀或作蛸

蜻蛚即蟋蟀一作蟋蟀

樂府有蜻蛚篇即蟋蟀

息七律

切

一作蟋蟀說文作蟋蟀墨澤善鬪吳中養之以仰頭
捲頸練牙踢腿為四病七月鳴又曰趣織樂府作促織
虎丘曰趲織一名孫旺陸璣曰楚人謂之王孫博雅因
作𧈧孫而反語謂之孫旺耳爾雅曰蟋蟀蛩或作蜚蜚
一曰秦謂蟬蛻曰蜚朱子云斯螽莎鷄蟋蟀一物隨時
變化而異其名今所見同時齊鳴形類各別馮嗣宗嘗
恨許慎以蟋蟀為即且土蛇之誤按此乃淮南注引即
且為蟋蟀舊云許慎注陳直齋曰題許慎注詳序文即

是高誘而說文蟋蟀下無此解

商鉅秦渠馮功馬蛭百足刀環蟲也即且蜈蚣蠼蠊蠹
一類也 魯連引古語曰馮功之蟲三段不僵墨子引
作百足之蟲三斷不蹶則馮功即百足矣爾雅曰蜋馬
蟻方言曰馬蛭北方曰蛆蠊大曰馬軸軸亦作蟋淮南
子曰若蛭之足衆注讀溪當音汧幽州曰秦渠一曰馬陸其大
如指莊子曰使商鉅馳河即刀環蟲也即且之說不一
淮南注即且為蟋蟀郭璞以為似蝗大腹此皆失矣爾

雅曰蒺藜即且廣雅曰蜈蚣也日者傳後曰即且甘帶
騰地游霧而殆于即且此其證也蒺藜亦狀蜈蚣之形
耳尺蠖烏郭切似百足多生桑上即今螂蠹一名步屈小
而多足之毛蟲曰蠮螋俗呼為蠹蟲溺能瘡人

蜚害苗蟲也負蜚則又一蜚也山海經曰白首之蜚又

一蜚也

春秋書有蜚

平去聲

爾雅曰蜚蠊蜚即負蜚臭

蟲也廣雅則以為蹠劉氏五行傳以為負蜚其實蠊為
土鼈負蜚草蟲蝥類也智以草間大臭蟲隨地生之何

關春秋之書通志曰害稼始謂蜚蟲則蝻類者近是升
菴論蜚不為災亦引負蟻牽未判耳山海經有獸白首
如牛一目見則有兵疫曰蜚亦引為一乎鄧潛谷引論
曰食苗心曰螟食葉曰蠊食節曰賊食根曰蝨食花曰
蜚此因爾雅四種而增一種也今按此蟲又有四種一
曰蜚蠊則滑生茶婆蟲也一曰負盤蟲則鼠盤蟲行夜
者也蠊則簸箕蟲過街土鼈也負蟻則草蟲蝻類也

蝻即蝻

蝻

戎切

即蝻也爾雅曰蝻蝻蟻草蝻負蟻蜚

斯螽松螞螫音契螽蟻音歷土螽蟻谿疏曰負螽一名常

羊螽螽周南作螽斯七月作斯螽一名春黍毛氏亦曰

螽斯螽蟥也漢志曰春秋為螽今謂之蝗說文曰螽蝗

也蝗螽也以股鳴者蔡邕亦曰螽蝗也李巡曰螽蝗子

也陸璣曰今人謂蝗子為螽克人謂之螽蝗螽一物也

草蟲負螽常羊一物也螽螽幽人謂之春箕即春黍蝗

類也長而青其股似玳瑁五月中以股相切作聲螽螽

蟻蟻似蟻而細長飛翅作聲者土螽蟻谿今曰土螽

江南呼吒蜩即吒蜺今作蚱蜢吒蚱蝶一字似蝗而小
善跳向解牽擾此其槩也合溪必以斯為助辭螽乃常
有之物沒不可謂蝗是殆未深考耳崔豹曰遼海間有
蜚蟲如蜻蛉名紺繡七月群飛闔天曩人食之云是蝦
為之又杜臺卿淮賦曰蝗化為雉入水為蜃爾雅蜚蜚
蝻音緣復陶字書引作蝻陶董仲舒劉向曰螟始生一曰蝗
始生五行志劉歆曰蜚蠊蠹有翼者蜚蠊即蚱蜢也何
休曰始生為蜚長大為螽魯語蟲舍蜚蜚蜚蜚蜚亦曰復

陶也馮嗣宗曰凡經傳直謂之螽者蝗也凡似蝗不為
災歲時恒有者通得螽名故有阜螽草螽蜚螽螻螽土
螽之別

芴不肯即蟊也 東坡志林曰元祐八年雍丘令米芾
書縣有蟲食麥葉不食實適會金部郎中張元方見過
云子方蟲為害甚于蝗有小甲蟲見禾輒斷其腰而去
俗謂之芴不肯前此吾未嘗聞也智按爾雅食苗心螟
食葉蟭食節賊食根蠹廣韻蟭作貳貳音特賊作蟊食

禾節者也東坡獨不看爾雅邪程泰之曰徽州呼橫蟲
汪彥章曰有旨恤蟲災言徽州蝻蟲為害蝻即橫蟲也
橫本有黃音智又按齊民要術言穀蟲曰好蚘即子方
乃食菜之蚘也平水韵增云好蚘食苗唐書宋史皆載
好蚘害稼或方語通稱邪翦不肯之名果竒然見說文
訓黨字蟻不過也則漢時已有此等名矣張有曰好蚘
古但作子方鄭玄解方以類聚曰行蟲其強蚘乎唐宋
史借稱螟類智按方翦古通子方當是子翦子言小也

從翦斷禾之節

郎中可以詰盜 續博物志唐武德四年官市郎中有
疑為狼筋者有老僧云曾以一千子賈胡市得三枚狀
如巨蛹兩頭光帶黃色涇帥段祐宅失銀物器集衆灸
之賊人脣爛與蟲俱動柯古亦有此條又一條言狼巾
贊寧志直言為狼之筋

蝨蝨善負小蟲也 爾雅蟲部傳負版郭璞云未詳吳
曾按柳子厚集云蝨蝨者善負小蟲也行遇物輒持取

仰其首負之背愈重雖困不止也

螳即蟻 爾雅曰虬蟬大螳小曰螳螳打螳螳飛螳方
言曰齊魯之間謂虬蟬曰螳蟬西南梁益之間謂之玄
灼燕謂之蛾蟬大而赤色者名螳要論之白蟻居土中
有城郭君王蠹屋化而羽夏月陰雨全飛殆虬蟬乎虬
或作螳者誤螳乃扁蟲著牛馬食其血者也白蟻亦曰
螻亦曰土蟻玄蟻尤蕃遇羶負曳大頭不負曳若糾率
者故世以惰群者為大頭蟻小而微黃曰黃蟻稍大好

啖羣蟻曰虎蟻有蛆蟻狀如墨蟻化而羽能螫人爾雅
所謂丁蟻也有臭蟻好緣木為窠此其略也蟻與蛾通
用記曰蛾子時術之音蟻蟻子蚘籀作蝨按鼈人共互
物內有蚘醢注蚘蟻卵今按本文有凡貍物則蚘必水
物龜鼈之類恐非蟻子里革言國語曰魚禁鯢鰠蟲舍
蚘蜉鯢鰠蚘蜉似為蟲魚孕育之通名非專言蛾子也
強蜉黑米蟲也毛蟲雀甕之蚘蜉非蚘蜉也爾雅曰
蚘蜉強蜉又曰彊蜉

音祁

疏曰今米穀中小黑蟲也江東

謂之蜚建平人謂之蜚子智按廣東謂之米牛紹興呼
為米象齊人又呼小蟻為蜚說文曰蜚搔蜚也蛄蜚強
蜚也強从蟲弘聲錯曰弘非聲秦刻石文从口疑籀文
戴氏曰籀文蠲即蜚廊曰蠲省作強而人通以強作蠲
矣爾雅復有蛄音墨蛄蜚音近蛄蜚亦黑蟲也貞白曰蛄
蜚蛄蟲也石榴樹作雀窠曰蛄蛄房以黏音蛄則毛蟲
其名蛄乎

白鳥蚊蚋也 張邦基曰子美寄劉伯華云江湖多白

鳥天地亦青蠅人多指鷺按月令仲秋羣鳥養羞注引
夏小正曰九月丹鳥羞白鳥說文謂蚊蚋也金樓子云
齊威公卧于柏寢白鳥營饑而求飽公開翠紗之厨而
進焉知足者雋肉而退不知足者飽而腹潰蓋戒貪也
弱侯終以子美白鳥為鷺者是不妨二物一名五色線
言南海蟲無骨曰泥因以一日不齋醉如泥謂如此蟲
宋人拘泥可笑

子子生蟲蚋蚋其細者 水中赤蟲曰蛸蠅一名子子

俗呼沙蟲說文曰子無右臂子無左臂游水際遇人則
沉以腰有力通其音為蛄蠃淮南子曰子子為蟲高誘
曰了子倒跂蟲也子才作𠂔𠂔蟲即蚊亦作蠱說文作

蛄

而銳切

秦晉曰蛄楚謂之蚊其實蚊蛄為二物蛄蟲之

訥者荀子曰醯酸而蚋聚蓋生醯中曰醯雞亂飛曰蠛
蠓音占家以旋主風衝主雨蠻亦甚細然為知聲蟲今


人以醯雞為蠻非也又有鳥曰蟲母郭璞曰似鸚而大
黃白雜文聲如人嘔其吐納皆蚊鄧氏曰鷓也

蟾蜍一作瞻諸詹諸 蟾蜍之蜍又作儲古蟬作詹諸
王會濟中瞻諸爾雅曰鼃醜蟾諸即蝦蟆也淮南謂之
去文升菴引醜醜作鼃醜音戚施誤矣詹諸蛤蚧也身
大背黑多排磊曰蛤蚧一名去甫一名苦蠶俗以蝦蟆
為鼃之通名而謂此為癩蝦蟆蕭炳神其說言蟾下有
丹書八字故陳藏器疑惑而且以蝦蟆與蟾蜍辨何泥
也爾雅蟄蟄郭音驚又上聲此謂青鼃也鼃蟬皆總名
大而青脊者俗名土鴨鳴甚壯黑色者南人呼為蛤子

食之至美亦名水鷄亦呼田鷄衍義曰大聲蛙小聲蛤
月令所謂雀入大水化為蛤者也雜俎曰竈無故自濕
者赤蝦蟆名鉤注居之去則止其大者曰田父能食蛇
又曰螭張子賢云眉州曰炙蟾括蒼人曰風蛤德興毛
山捕大蝦蟆名石撞眉人恨不脫得錦襖子即此物也
蟻蠅地龍蛩蟪堅蠶蟪蟪蟪胸肥附引皆蚯蚓也
餘冬序錄云孟子巨擘蓋齊地有蟲類大蚯蚓人謂之
巨擘善擘地以行此說亦奇蚓轉為蟪一曰歌女一曰

堅蠶音遣忝胸臆以名其縣江南北呼為曲壇或呼寒
欣或上聲字書遂造蟻螻二字吳氏曰白頸螳螂一名
附引其矢曰六一泥成式續集曰李貽孫見木枝化蚓
椒圖蚘嗶蛄霸下鴟吻嘲風蒲牢蜥蜴囚牛虬蝸狴
犴睚眦饕餮吻哆皆龍子者因一二而傳會也以狻猊
亦龍子者妄矣狻猊帶子也 升菴云龍生九子各有
所好椒圖似螺螄好閉故立門上詞曲門迎駟馬車戶
列八椒圖即謂此見菽園襍記陳無功曰尸子云法螺

蚌而閉戶後漢書禮儀志殷以水德王故以螺著門戶
此即鋪首也虬螭好負重今碑下獸鵠吻好望今屋上
獸蒲牢好鳴今在鐘上蜥蜴好水今立橋上狴犴好訟
今獄門上睚眦好殺今在刀上饕餮好飲食故立于鼎
又曰虬螭好水立于橋柱蚺蛇好險故立于護朽上嘲
風好險今殿角作之狻猊好烟火今在香爐因牛好音
今胡琴上形智按此多參差亦後人附會也霸下乃虬
螭鼉屬之轉碑趺象之即句蜃類也黃憲外史曰嚮者

𤝵𤝵之勞則以𤝵為陞音矣𤝵是犬類善守非好訟也
虬螭即蜥蜴蚘蚘即虬螭升菴不能折衷而反爭注蚘
為舌折二音邪蓋古多字有移侈二音故螭之答音相
近蚘則虬字之訛耳嘲風即鴟吻又或以為蚩尾水物
可以厭火亦係乎人之說耳立于殿角者亦名陽馬此
人象之而名也即如狻猊豈盡龍之子乎狻音酸師子
也古師作象獅形黃省曾以琥為獅子說苑云師曠
言駿驤食豹駿驤即狻猊从犬从馬一也然狻則可讀

俊

靈龜大者為蜺，蜺負屬小者曰鼃。鼃應邵注：漢書曰

靈蜺大龜也。雌曰蜺，蜺

音資

雄曰玳瑁。時珍曰：秦龜是

山龜。蜺蜺是澤龜。嶺表錄異：蜺蜺俗謂之茲彝，人以木

楔其肉，吼如牛，乃煮拍之，如玳瑁。吳都賦：巨鼃鼃眉。

音避

戲

又作鼃，屬韻會作鼃，屬諸經音義作鼃，屢雜俎及楊

孚嶺南異物志作係臂。劉欣期交州記云：蚶蜃似玳瑁

大如笠，四足縵，胡玳瑁有四鬣而無足，萬歷初腰帶曰

玳瑁帶實即青花帶也又有龜筒出南海中似玳瑁而無斑又有魚頂鮫紅如血名鶴魚以龜筒夾鶴魚鮫為梳名鶴頂梳王莽傳作毒冒即瑇瑁崔希裕略古作疇帽

蜥蜴總曰蝮大者曰山龍子緣木曰蝮蛇在草澤者曰蝮蝮在屋曰守宮捕蠅曰蝮虎言其變曰十二時蟲有如蛙首者曰蛤蚧 蜥蜴亦作刺易蝮蝮守宮蝮蛇徒切 蝮蝮一名石龍子俗謂之壁虎亦呼蝮虎蘇恭謂之

蝸虎方言作唬蜺也而誤作蜺蜺則蝸牛矣謂其捕蠅
皆一物也大小長短異耳蠧蜒為大者丹碧色則短尾
純青色則長尾守宮以養丹砂而成蛤蚧出嶺表似蜥
蜴故方言曰桂林之中守宮能鳴即蛤蚧也嘗自呼其
名一歲能鳴一聲其頭似蝦蟆獲其雌雄合者益陽此
顧珍海槎錄所說趙宦光云鼃鼃蜥蜴也不知何據說
文一曰蠧蜒蠧蜒也

睪聽千歲蝮木僕苟印當一類也 呂忱云睪聽如蜥

蜴居樹上齧人與蘇頌所言千歲蝮相似說曰有四足
齧人上樹曰砍木斫木即不可救曰博叔博叔者可急
治之成式曰木樸若龜尾長數寸居樹上食人藏器曰
苟印一名苟斗出潮州如蛇四足

蟪即蛟也雉入水化之蝨乃蛟屬之蝨非蛤蚌之蝨也
蛟有四足蛟之屬有蜃似蛇而大有角陸佃云蛇交
龜則生龜交雉則生蜃類書蛇與雉交而生子曰蟪似
蛇四足蟪音集即蛟也陸禋續水經及魯至剛云正月

蛇與雉交生卵遇雷即入土數丈為蛇形二三十年能升騰卵不入土但為雉耳任昉述異記曰能者蛇所化也冬為雉春復為蛇即鯀化之黃能此皆泥鯀入羽淵而為此說耳

吉弔脂紫稍花龍鹽也

孫光憲北夢瑣言曰海上人

云龍每生二卵一為吉弔多與鹿游或于木上遺瀝直流槎則枯著如蒲槌或青黃或灰色號紫稍花升菴曰道樞所謂鹽即吉弔紫稍花也按裴淵廣州記云弔生

嶺南蛇頭龜身其膏至輕利銅瓦盛皆漏惟雞卵殼盛之不漏則弔固一物也藏器誤以為予何遠春渚紀聞曰宋徽宗時蕭注破南蠻得鹽龍長尺餘養之以海鹽飼之鹽出鱗間收取能興陽說郭內南墅閒居錄載丁謂龍精石謂龍交海上精流于石者

它即鼃也 合溪曰說文以它為蛇蛇蓋已也古○即象蛇形後別為地或作蛇其實它本是鼃其音同也神農本草經鼃作鮑此是一證亦因後世字亂加魚于旁也

綱目以為鼉非鱉之類改之博物志謂之土龍鳴應更鼓曰鼉鼓陸佃曰它身具十二生肖肉惟蛇肉在尾最毒

密丁銅釘也朗晃圓蛤也海物異名記密丁魁蛤之子也興化志有空牙朗晃形厚脣黑智在閩中見有圓蛤號曰銅丁者正是其類今俗呼異名耳螳蟻馬刀細長蛤也蟻螳扁蛤也陳藏器曰扁而多毛如淡菜類擔羅新羅之蛤也

蛤蜊 蟪 廬 蚌 蚶 蠃 蚶 螳 蜚 蠊 蠃 皆海介物兩殼相

合者也
蛤不一圓大者曰蛤蠔亦作蛤蜊西施舌亦

蛤類也本草以車螯為大蛤爾雅蜃小者蜃傳曰用蜃

炭竈

賓邊
二音

廬

三本

音牌

疲

蚌

二棒

音本
一

二

十乃

一

聲

年之

轉

實

一

物

也鼃人掌取互物共廬羸蚘爾雅曰蛭廬蚌含漿說文

曰麤蛭也。修為麤圓為螭蚌蜃屬也。螭大而產珠多故

曰蠙珠蠙因作璣玼璆又作蠹蛎蚌又作鮓蚌魚蠨

說文曰魴蚌也又有魴鮐山海經曰狀如覆鉢是生珠

玉蚶

火含切

厚殼如屋瓦亦曰魁陸蜃

虛減切

似蚌而肉甘

毛蠃

呼典切

似蛤蜊而小廣人以蜆隋書劉臻父顯嗜蜆

呼為扁螺其稍大者呼為蠡蜃

即刃切

陋長而虛黑又作

蟴蜃

丑經切

修長如指閩中有至小者甬東人種之至大

蜃

余招切

薄殼而大其柱最珍別作玼蜃即所稱江蜃柱

也蠃厚殼附石崖而生曰蠃房異物志曰古賁牡蠃也

一名石雲慈韓保昇曰又有蜃蠃形短蠃旅生相附如

山謂之蠃山廣亦槩呼大蠃大蜃為蠃其殼以之代磚

作牆羸即螺通作蠡別作蛄海羸有絕大者臨海志烏頭似蚶蚶有徑四尺者姚寬曰蛤蜊文蛤皆一潮生一暈

海月江瑤柱也古曰玉珧江賦注大如鏡白色彙苑一名膏葉盤即江瑤柱東坡以此敵荔枝風格升菴曰今之馬甲柱古曰玉珧是也其別條又以江瑤柱為蠣黃則誤矣元瑞言奉化四月風起江瑤或一再上如蚌而大肉腥而腮後有肉牙長寸許圓白如珂雪此柱也

余在廣州市角帶子即蚱之柱而乾者也在寧波則曰江瑤柱蠣黃一曰蠣房以附石而生閩中最多升菴之誤審矣或曰江瑤柱其肉香而脆言腥而腮者非

螳螂蟻螻蛄彭蜺蚶蚌狗沙皆蟹類也郭索蠃行兒

廣雅蟹

胡買切

雌曰博帶雄曰娘螳出于海者名螳亦

作蠃

作結切

今高州志有蠃螳是也說文有蛭子蛭即跪

也荀子曰蟹六跪而二螯俗作贅不必也同類有螳螯亦作蚱其教不毛後跪薄而闊如權故又名撥擢一名

蟬又名蝟蝶蟬殼旁有兩尖彭蜎

王代切

爾雅蝟蟬小者

蟬又作蝟蟬大約似蟹而小別有彭蜎擁劍似彭蜎而

大似蟹而小蔡謨誤食即此也擁劍一名桀步一螯偏

小以大者關小者食一名虎蟬其殼闊而多黃者名蟻

出南海中又有蟻

鳥介切

似彭蜎可食薄殼而小今松江

復有極小如指大者名沙狗以釀漬之殼軟可食凡夫

曰蟹訛為蟹蟹訛為狗又有倚望竭朴蘆虎數九一曰

沙九江賦注

音

江似蟹而小有十二腳林逋詩水泥

行郭索雲木叫鉤輶用太玄郭索蟹行兒字彙以郭索為蟹

海扇車渠 銹積霏雪錄曰海扇甲物形如扇文如屋瓦一名車渠則車渠正似蚶之大者大長數丈蚶名瓦龍子又名魁陸正謂其如屋瓦也程大昌言尚書大傳散宜生輦取大貝如車渠謂如車輪之溝渠轍迹也存中譏康成注大傳渠車罔也康成蓋不識車渠智以車渠似車輪故以名之存中又誤譏矣玉篇作碑磔

移角姑勞羊蹄皆車螯屬也 臨海水土記云似車螯而角不正者曰移角殼薄者曰姑勞小者曰羊蹄車螯本蜃蛤之屬周禮蜃珎以為飾蜃炭取其灰鍾岬為何屑作說車螯蛤蠣宜充庖厨是也陳藏器羅願戴侗則皆誤以蛤蜃之蜃為蛟蜃之蜃矣

璫結即海鏡也 南越志璫結大者二三寸腹有蟹如榆莢出取食還入腹嶺表錄異曰石鏡述異記曰石筋贊寧志曰薊蚌即此物也又有寄生螺蛤皆蟹奴郭璞

賦瑣結腹蟹水母目鰕陶隱居言寄居似蝸牛腹有小蟹出入此名蚌奴漢志會稽有鮓埼亭師古注有蚌腹小蟹又漢律會稽郡獻鮓醬其此物乎廣川跋李後主蚌帖下屬州責蚌醬知有宗廟為重恐滋味醬醬引漢鮓醬鮓即蚌蓋其類也

大貝牝貝玄貝小貝不成貝此漢之五貝也徑尺貝紫貝珠貝綬貝霞貝貝之珍也詩錫我百朋注五貝曰朋謂漢食貨志有此五種貝也朋則貝二為朋貝古作

目曰貝齒滇以為肥其爾雅之肥乎爾雅列之頗詳今
有以相貝經合爾雅所列未知當否其書云朱仲受于
琴高以遺嚴助曰徑尺如輪以明目赤電黑雲曰紫貝
可愈疾素質紅章曰朱貝以明目青池綠文曰綬貝以
消氣障黑文黃畫曰霞貝能制蛆蟲其他無奇功浮貝
使人寡慾黑白各半惠貝使人喜忘營貝使童愚女淫
青脣赤鼻碧貝使人盜委貝能伏鬼魅雨則輕霽則重
石沒明九孔螺也舊說肉為鰓魚非矣 以紫貝代之

者非楊倞注荀子以為龜腳亦非也本草以鰕魚附石而生其石有孔即石沒明業師白安石司理登州言鰕魚自一物不附石也所言九孔螺者即蚌也大者如掌其蚌殼有孔與鰕絕非一物不知千古何以訛傳豈古是一物而今二邪

紫蚘紫蘿即今之仙人掌也荀子曰東海有紫結魚鹽楊倞曰紫紫貝也結未詳按結當是蚘江淹石蛙賦又名紫蘿得春雨則生華郭璞所云石蚘應節而楊葩

是也無功引謝朓詩紫蘿曄春流升菴贊云蘭陵紫蚰
江淹紫蘿是惟蚌類發花應春又名龜腳陶隱居曰大

者如手蚰

穀業切

附厓生似龜爪大如嬰兒手說文渠腳

曰天社凡夫曰海中有甲蟲二種曰一字龜腳不字龜
腳智見閩中有仙人掌頗長寸許謂之似龜腳亦可根
附石處有囊如腕上生五指始為前人沒此一物今網
目載為紫蘿誤矣無功紫蘿一條又引九孔螺九孔螺
是石沒明出登萊非此物也

郎君子相思螺其相感一也陽遂足海燕燕魚亦其類也李珣曰郎君子雌雄似杏仁青碧放醋中雌雄相逐顧玠海槎錄相思子如螺大如豆置醋中盤旋不已臨海水土記有陽遂足青黑腹白有五足不知頭尾異物志有燕魚陰雨則飛起圖經海燕出東海狀扁面圓背青黑腹白口旁有五路今永州南寧俱出石燕置水中即相就天雨常飛正其類也揚雄賦用石鱗升菴以為即此石燕石魚之類水經注言羅山石燕雲母石有

魚形燒作魚腥

水虎即水唐也鼻厭其陰也 水經注曰沔水逕黎丘

故城又南與疎水合疎水出中廬縣西南東流至即縣
北界東入沔水謂疎口也水中有物如三四歲小兒鱗
甲如鰈魚射之不可入七八月中好在磧中自曝膝頭
似虎掌爪常沒水中出漆頭小兒不知欲取弄戲便殺
人有生得者摘其鼻厭可以小使名為水唐者也後漢
郡國志注引盛氏荊州記云生得者摘其鼻厭可少小

便名為水廬十道志引襄沔記云或有生得者摘其鼻
可小使之名曰水虎孫汝澄云皋厭者水虎之勢也可
為媚藥善使內也皋厭與鼻相訛物類相感志訛為水
唐而疎水作涑水

蜮射影也又有魅蜮如鼈三足而小廣雅曰蜮短狐
也一名溪毒一名射工俗呼水弩鳧鴨能食之大招并
稱鰕鱖短狐蜮傷躬則短狐與蜮似非一物詩詁引柳
宗元說水中以氣射人者曰射工居水翳山林含沙射

人者曰沙虱說文所謂如三足鼈能也非蜮也一曰瑯
璜凡夫以為蜮又東方朔傳人主之大蜮師古音或魅
也公紹以詩為蜮即是魅蜮音或陸氏釋文因沈音而
誤

蠹魚蛎魚衣魚壁魚即爾雅之蟬白魚也化為脈望

注疏蟬音淫衣書中白魚一名蛎魚本草曰衣魚亦曰
壁魚馬懷素傳灸朽蟬斷是也雜俎記建中何諷得黃
紙書中髮卷規四寸如環道者曰仙經云蠹魚三食神

仙字則化此名曰脈望夜以規映天中星星使立降原
化記亦載之或曰名脈然見人用脈望者多元瑞務博
考者亦曰建中道者知脈望且望夜則無星可映也大
抵小說不可盡信天下物理變化有之其名則好事者
所立也按酉陽雜俎補闕張周封言嘗見壁上白瓜子
化為白魚固知列子言朽瓜為魚之義

六目龜者四目皆斑紋也 游宦紀聞曰東坡謁呂微
仲見綠毛龜此易得耳唐莊宗時有進六目龜敬新磨

獻口號一覺抵別人三覺嶺海樵志六目龜出欽州只
兩目餘四目乃金黃花紋圓長中黑與真目排比

動物魚

鯉鱣鮠鰕鮎爾雅之首列也許慎毛萇分而釋之誤
矣爾雅六名並舉而讀者以鱣釋鯉鮎釋鰕鮠釋鮠
毛氏說文并蹈此誤說文又並下文以鮎為鮎尤誤矣
鯉最常食大小皆有黑點三十六鱗鱣自是今之鯉魚
判然兩物豈能牽合為一鱣或借為鰕用楊震三鱣是

也說文不知直曰鯉也一名螻洛侯切一名鯪古甜切
又引詩鱸鮓發發則并不知鮓何物也叔重召陵人宜
不明長江中事耳陸佃曰黃魚謂之玉版此亦指鱖之
脆骨而佃不能分也鱖鰓曰玉梭衣嚴氏曰本草以鱸
為鱖魚俗作鱖是合鱖鱖為一此如今九江敝府作鮓
者合二魚為一處也集韻或作蠶鱖周官春獻王鮓鮓
即鱖魚一作鱖鱖大者為王鮓小者為叔鮓一名鮓肉
東萊遼東謂之尉魚或疑詩之鱸鮓在衛未必有千斤

之蜚蝗智謂黃河中或不甚大耳郭璞當晉時知有江
之鱣鮪今則知有蜚蝗而已此古今異稱也韵會亦為
說文所惑鯉注鱣真可啖鱣連第切一作蠡鱣又作鮪
音冢誤音紂詳見襍論一作鱣魚之摯者鱗黑駁首左
右各有竅如七星雌雄相隨將子啖衆魚能夜向北拱
斗今黑鯉魚也圖經陶隱居云是公蠡蛇所變至難死
猶有蛇性魚膽皆苦惟鱣膽獨甘說文鱣鮪也鱣鮪也
又分鱣鮪為二物毛萇注魚麗亦曰鱣鮪也陸璣謂鮪

即鮑魚陶隱居云此鮑魚乃是鱮尤可噴飯矣鮠

戶管切

即鰾魚也鰾

古魂切

江北呼為混魚通呼鮠為草魚以其

食草池州人至今謂之鮠若鮠

音豹

今淡浥魚也微用鹽

曰鮠

居億切

沔州復州作之貨殖傳鮠

陟涉切

鮠千鈞膊魚

不鹽也即魏武食制之蕭折魚也奈何以釋鮠乎鮠一

作鰾

依遠切

額白魚潛谷曰其游好偃陸佃曰鮠偃鮠俯

鮠圓鮠方今毛鄭皆以為鮠許以為鮠而注鮠為鮠矣

鮠實鮠之大者許又注鮠鮠為鮠注鮠為鮠則鮠鮠鮠

鯪鯪一物也有是理乎鮎

季兼切

口方無鱗江東謂之鯪

又名鮪今南都江北并稱鮎鮪而鮪鯪皆漢晉以前

之語亦一字也鮪即鮪

戶反切

而合溪分二字鮪之大者

曰鮪魚登萊謂之闊口魚此皆無鱗之魚而微有別口

腹俱大者名鮪背青口方者名鮎背黃腹白者名鮪家

語曰大鯪魚即鮪也說文鮪鮎俱音化

有吹沙之小鯪有海中之大鯪 詩云魚麗于鰓鰾鯪

陸氏曰狹而小常張口吹沙智考此實是吹沙小魚黃

皮有黑斑文正月先至但身前半闊而扁附沙而遊後
方而狹陸氏以為狹小則又失矣余鄉至今呼為鯊鮓
則合溪之辨並及于鯊鮓又未考矣海中所產以其皮
如沙哆口無鱗胎生其類尤大鮓本即它許氏以為虵
戴氏以為鼉特以河中之小鮓專此鮓字耳詩曰鰭鰭
鰭一名黃楊今黃頰魚是也山海經番條山減水鰭魚
郭注一名黃頰音感智按此是鯨

鰭鰭鰭一物而微分

鰭女與

似鮓而弱鱗俚語網魚

得鰾不如噉茹其類尤大而肥者徐州謂之鯪或謂之
鯪幽州曰鴉鷄或謂之胡鯪智按今俗以肥而食草魚
矢者為鯪頭稍小身稍扁韻會并不收鯪字其頭最大
者鯪也俗呼為鯪頭啖魚頭者輒烹之鰾其總名也說
文鯪下別作鯪音似近之母亦古以鯪為鯪而以鯪為
為鯪乎陶隱居以鯪為鮑則尤非矣鯪今之鯪也語曰
居就糧梁水鯪九罍稱鯪鯪客座贅語謂鯪大曰鯪多
鯪有鯪俗所名火筍背也鯪鱗細眼赤魚也鯪亦赤目

士喪禮鮓鮓九或曰紺目荷包鮓也鮓

轉專二音

郭注山海

之鮓音團鰓是亦鮓類鄭玄以為鮓子者非鮓符注切

別作鮓鮓鮓以附土而行曰鮓也似鮓而黑俗曰魚婢

江東曰妾魚即所謂鮓鮓鮓歸也鮓又作鮓說文分二

字皆魚名相如賦曰鮓鮓鮓郭璞曰鮓似鮓而黑則

鮓類也海魚肉如彘曰鮓今沿海人多脯之其陶所謂

鮓乎鮓元鍾切徐廣音娛說文曰魚皮有文出樂浪東

曉神雀四年捕輸考工鮓音虔博雅大鰓謂鮓鮓他各

切說文曰哆口魚也

鱣即鯨 雄鯨雌鮠以莊子鮠鰭為之制則小魚也以
左傳取其鯨鮠則大魚也呂覽曰鮠入而鮠居高誘曰
鮠小而鮠大爾雅曰鮠大者謂之蝦此蝦似非指鮠也
鮠亦為二名兩用無疑鯨古作鱣

鮠即鮠 相如賦曰禺禺鮠鮠音榻史記作鮠說文曰鮠

似鼈无甲有尾無足口在腹下與鮠相類鮠水母目蝦
之物今名折頭鮠則福州之銅盆魚也唐韵鮠似鮠四

足則單據郭說也

鰲鰾皆鱸也

鱸巨口細鱗似鰕但四腮耳海鱸肉粗

曰鰼說文魚出葦邪頭國亦作鰲梧州出嘉魚亦似鱸

忽雷鰐也

洽聞志鰐魚別號忽雷熊能制之握其嘴

至岸食之一名骨雷秋化為虎三爪鹿甚畏鰐說文蚺
似蜥蜴長丈箋曰鰐也自退之驅鱣後至宋咸平中通
判陳堯佐捕鱣獲之其害殆絕

牛魚即北方之鮪類也

契丹主達魯河鉤牛魚以其

得否為歲占王易燕北錄曰牛魚嘴長鱗硬頭有脆骨
重百斤即南方鱣魚程大昌非之豈必牛魚真似牛乎
物易地而少變則理有或然

鮫海沙魚之大者也

鮫

加肴切

其皮粗錯堅厚可飾刀

室後漢輿服志載之本草云鰐

音鰐

魚皮也唐本注云出

南海似鼈無腳而有尾陳藏器本草云一名沙魚一名

鰐魚鰐乃音鰐出山東大不過數指與鮫何啻天壤得

無因鰐音而誤以鮫字為鰐字乎鮫腹容四子常從口

入母腹而復出柯古曰海魚千歲為劍魚一名琵琶魚
一名虎魚即大鯊也

江豚曰鮪

鮪又作鮪鮪鮪

湧模切

類篇皆曰江豚也能

拜風廣韵曰鮪鮪晉書夏統用鮪鮪廣韵收之爾雅鱖
是鮪釋曰鮪屬也體似鮪尾如鮪大腹小喙銳而長齒
羅生上下相銜鼻在額上能作聲少肉多膏智以為即
今之鱖魚南史載宋明帝嗜密漬鮪鮪一啖數升一曰
鹽藏魚腸也本草曰鮪鮪魚鰾也即魚白膠此說是也

齊民要術有造鮠鮓法取石首魴魚鰻魚三種腸元美
引此語作鰻魚誤沈存中專以鮠鮓為墨魚腸者非

當鮠鮓也

鮠

洪孤切
又去聲

見說文爾雅注似鰻而大鱗肥

美多鮠江東呼其大者曰當鮠六書故曰鮠似鰻而大
生江海中四五月大上肥美而多骨江南珍之以其出
有眚又謂眚魚別作鮠韓道招作鮠智嘗怪此珍品而
古無之獨唐韵有鮠字曰當鮠魚名郭云似鰻肥美多
鮠皆近但大鱗不合耳合溪蓋以大屬上文鱗下或遺

細字其海魚似鰻纖鱗少骨曰昌亦作鰈海魚似鰻而

小肥曰鰮

子例切

孫愐云時魚出江東何大復稱其銀鱗

細骨彭淵材恨其美而多刺袁達禽蟲述曰鰮冒網而不動護其鱗也鱗暴乾可作花鈿黃勉之曰廣州謂之三鰮之魚

人魚曰鰻

鰻營隻切

似鮎而四足長尾聲如小兒善登

木本草則以為鰮魚即人魚似鮎四足陶云鰻鰮能上樹蘇云鰮魚能上樹非鰻鰮也本草諸公亦揣摩奇物

而誤耳如鮫魚人面人手魚身亦曰人魚薄魚如鱸一目音如人嘔見則天下水何羅魚二首十身鮎魚魚身人首何羅乃今之八帶魚也真臘有浮湖魚八足嘴如鸚鵡水經注水唐如三四歲小兒如鯉鮫豈得盡注以人魚乎

鮫石首魚也小者曰鮆

鮆子功切

一名免魚小者名黃

花魚乾曰鮫又有勒魚海上聽水聲取之乾曰勒鮫頭有骨如鶴喙形蓋鮆之一種也南京總曰黃魚以冰從

海上持來通呼鯨魚說文作鯨食療本草以鯨為鯨故
時珍分出一條曰鯨生江湖中口在頷下能噉魚大者
三十斤此大鯨之類也爾雅翼云鯨與石首魚皆以三
八月出江賦曰鯨鯢順時而往還此鯨即石首魚也今
浙人但呼鯢音稿魚為鯨而江淮以石首為鯨故曰白鯨
鯢謨杯切福溫多有之即黃花魚溫海志名黃靈魚即小
石首魚也

鮓魚嘉魚也 漢口沔縣有二丙穴又嘉州雅州梁山

大邑順政諸縣皆有丙穴嘉魚李善注左思賦魚以丙
日出穴蜀人呼為拙魚河陽呼為鮓音魚山海經諸鉤
山寐魚郭璞曰即鮓魚梧州江亦出嘉魚范成大言桂
林出竹魚形味似之則竹魚即嘉魚也

墨魚烏鰂也 鰂足生口傷兩須如纜諺曰烏鰂喫墨
八足在口又名墨魚寧波蠹者曰鰂脯圖經云烏鰂所
化其云秦王東遊棄算袋化為此形則誣矣禹時貢烏
鰂之醬蒙筌言其墨作券隔年而字滅張氏曰不驗其

無骨者名柔魚又更有章舉石距二物與此相類而差
大味更珍好小者曰鎖管見泉州志今日銀瓶魚臨海
志言其懷版含墨故號小史魚

鰕 鰕 鰕 鰕 皆今之河豚也

鰕 呼切 鰕 鈞切

鰕 盈之切

鰕 鰕 鰕 鰕

音 鞋

背青黑腹白觸物即怒亦曰烏狼一曰探魚黃

者黃鰕大觀本草可笑既列河豚為一條又列鰕鰕為

一條性皆相似此不過見鰕鰕字奇遂以為別是兩種

魚耳鰕鰕是河豚此潛谷說物類志湖夷魚即河豚廣

志鮠魚一名河豚鮭又為魚菜之總名如庾卽食鮭是也烏爪切張華載鮭魚心肝頭毒司馬潛虛用鮭鮭之浮必是河豚誤以鮭為鮭耳說郛載尤延之言河鮪起于左思賦郭注山海赤鮭音圭潘岳滄海賦鰐鮪鮪臨海記鮭鮪智按卽此魚之大者

鮪鮪也 禮用鮪十有五謂其小也神異經祖州烜湖內鮪長八尺食之宜暑而辟風寒成式亦載之又尋陽青林湖鮪大者二尺可止寒熱今灤河鮪以冰合之來

京師動亦數斤鱖即所謂荷包鯽也一曰魴魮鯽或曰
鱖為櫛化其說附會魴鼠化鯽則有其理爾雅曰魴歸
郭璞所謂妾魚婢魚崔豹所謂青衣魚皆此物也魚經
又有附土者曰京魚一曰吐魴智按即杜父魚一名黃
魴音么俗名舩𩺰魚

鱖刀曰魴

魴在禮切

爾雅魴鞮刀即今之鱖刀魚江陰

有小魚名子鱖山海經浮玉山北望巨區茗水出其陰
中多魴巨當作具東坡詩知有江南風物否桃花流水

鯿魚肥

石桂魚即鯿也

作鱖者非昔有仙劉憑食石桂魚即

此鱸似鯿而四腮山海經洛水多騰如鯿可治瘰注騰
音滕日華子以鯿為水豚可知此一類也筆乘謂鯿有
肚能嚼名鮠魚遯園亦以鯿魚為鮠引張志和桃花流
水鯿魚肥此誤矣蓋因鄉語謂鯿為計故以鯿本音桂
與鮠近也

王餘銀魚 或曰鱠殘魚博物志闔廬所棄或作越王

事又云梁武以食寶誌公誌公復吐出化為此海中出者曰龍頭魚福州一種曰水晶魚下湯即起明如水晶惟有細脊一條而已北京寶坻銀魚則不通明不過如指大臨海志曰鱧魚一名姜公魚形如鱸殘但有一細骨如針此即龍頭魚也

鰯魚麥魚也 一名春魚春時有之北戶錄恩州出鵝毛脰細如毛郭義恭言武陽小魚大如鍼今處處有之江北名為麥魚時珍引爾雅鰯歸非矣

曰魴曰鮓曰鰕曰版魚曰左介曰鮓曰婢筴曰奴屨曰
箸葉曰屨底皆爾雅之鰕所謂比目魚也 爾雅比目
魚名鰕吳都賦曰魴上林賦曰鮓劉涓子以此為王餘
誤矣鮓即魴鮓即鰕也南越志曰比目亦曰版魚曰左
介故作魴北戶曰鰕異物志曰箸葉魚俗呼鞋底魚魴
一名鮓道昭收鮓鮓皆字訛也臨海志曰婢筴風土記
曰奴屨魚皆因鞋底生意今杭州錢塘江日夕餐此
章舉石距今之章花魚望潮魚也 章舉石距臨海志

曰儻魚今閩中名章花魚浙中曰望潮魚

蕃躡魚今銅盆魚也 蕃躡魚一名邵陽魚韵書作鮓

魚或曰鮓鮓曰鮓形如大荷葉長尾口在腹下無足無
鱗福州呼為銅盆魚魏武食制云蕃躡魚大者尾如箕
長數尺是矣修文類書作蕃躡魚誤嶺表錄異作海鷄
魚山海經鰲鮓之魚如覆鉢得毋此類乎

儻鮓陽鱗也 荀子曰浮陽之魚楊倞曰魚名今字書

無鮓字惟字彙載之音喬轉注畧曰鮓从本音叨故鮓

音喬今作鮓則音鉢故或以為白魚之轉聲開寶本草以鱗魚為白魚言其頭尾向上也說苑陽橋之魚豈其此乎元美以為即荀子儵鉢者為浮陽之魚陽字相近耳

鯈鯈鰕鰕皆小魚也 毛公曰白鯈也即秦檜妻所謂

子魚也莊子曰鯈魚出遊李氏音由白魚也徐氏音條

類篇合鯈鯈為一亦自有見鰕音鄒亦浮陽小魚也故士

自稱曰鰕生鰕或作鰕爾雅鮒黑鰕景純曰即白鯈也

江東呼為鮓魚按黑鮓亦鯪類而色不白矣今海味專重鮓魚子又有子魚絕相類其白者北方以寶坻為美淮揚之間通州有成片者福州之水晶魚最妙在甬東則呼為龍頭臨海記鮓魚如指長七八寸亦此類永嘉鯊魚則長寸其曰鯊似鯪即一字謂似鯪也

鮓鰓鰻鰓皆一類也 鮓別作鮓鰓別作鮓鰓南史

王使人吞鮓今時珍音鮓為旦非矣鰓別作鮓說文鰓似入切 鮓也鮓鰓也山海經曰涿光之山多鰓鰓如鵲而

十翼銜火語曰鰓則似蛇鰓聞有翼或曰鰓鰓即鰓
說文鰓與鰓同此魚有雄無雌以影漫于鰓魚而生子
故名桂林有石鰓出于洞穴性涼廣州海鰓最大曰狗
魚其涎即能殺蟲不獨其骨矣孟詵云歙州溪中一種
五色入藥最勝今曰白鰓以別於黃鰓也古與鰓通楊
震三鰓是也山海經展水師水皆多鰓魚郭注今蝦鰓
或作鰓音秋時珍則以鰓為鰓頭

魚子曰鰓鰓

魯語曰魚禁鰓鰓爾雅曰鰓魚子逍遙

遊之言原無稽韋昭曰鮪魚未成也呂覽曰有東海之
鮪又有鮪音妥說文曰魚子已生者也籀文今訛鮪矣
鄭玄又曰鰓魚子也孔叢子曰衛人釣得鰓其大盈車
蓋是大魚鄭為誤

酉陽雜俎有印魚東坡所稱通印子魚則泉州通應侯
廟前之子魚也 陳善曰泉州有通應侯廟其下臨海
出子魚甚美世呼通應子魚者記所出也荆公詩遂誤
用為長魚俎上通三印東坡又以通印子魚對披綿黃

崔此皆是傳聞之誤孟子譏緣木求魚者以其無有也而范蜀公言按蜀中實有一種魚在樹上聲如女兒啼名曰鮒魚此則孟子未聞者也荀子曰蟹六跪而二螯然蟹實八跪方知蔡謨未識螳蜋未足多笑元美曰今實有印魚東坡亦未為誤智按印魚者酉陽雜俎所載曰印長一尺三寸額上四方如印諸大魚應死者先以印封之其言如此則安得以通印子魚當之東坡誤矣荆公用金魚印名豈在俎上或烹魚米粉作印邪詩人


借用耳

潞戶謂魚秧也 陸文裕曰今人家池塘所蓄魚其種皆出九江謂之魚苗或曰魚秧南至閩廣北越淮泗東至于海無別種也蓋江湖交會之間氣候所鍾每歲於三月初旬挹取于水養之舟中漸次長成亦有羸縮其利頗廣九江設廠以課之洪武十四年欽差總旗王道兒等至府編僉漁人謂之潞戶黃省曾魚經曰潞戶以稍長魚苗曰葦鱸有難長之秧曰艚艘其首黃色曰螺

螭青唐韵有滂俗作縹

潛鹿魚頭似鹿者也 元美曰潛鹿鹿頭魚此據左思

吳都賦沈虎潛鹿注魚身而頭似鹿異物志載有獐鹿
自是鄭氏所云益州之鹿麟勿誤用也黃省曾曰鱖鯉
兩頰之肉謂之鹿頭魚而異物志竒其說邪成式言羊
頭魚其頭似羊又物類相感志載鹿魚南海春夏有魚
躍上洲化為鹿其說尤怪



通雅卷四十七